



REPUBLIKA E SHQIPËRISË
ZYRA E ADMINISTRIMIT TË BUXHETIT GJYQËSOR

Nr. Prot.

298/

Tiranë, më 22 06 2015

DREJTUAR : **QENDRA “RES PUBLICA”**

TIRANË

Lënda: **KTHIM PËRGJIGJE**

I nderuar z. Matlia,

Në përgjigje të shkresës suaj nr. 073/15, datë 15.06.2015, ku kërkohet informacion mbi pagesat për avokatët e thirrur kryesisht nga gjykatat, ju bëjmë me dije si vijon.

Bazuar në Kodin e Procedurës penale, kur i pandehuri nuk ka zgjedhur mbrojtës ose ka mbetur pa të; kur i pandehuri është nën moshën 18 vjeç ose me të meta fizike a psikike që e pengojnë për të realizuar vetë të drejtën e mbrojtjes; apo në rastet e seancave të vleftësimit kur mbrojtësi i zgjedhur nuk është gjetur ose nuk është paraqitur, gjykata cakton avokatë kryesisht. Përzgjedhja e avokatëve bëhet nga lista e vënë në dispozicion nga Këshilli Drejtues i Dhomës së Avokatëve. Kur i pandehuri nuk ka mjete të mjaftueshme, shpenzimet e bëra për mbrojtjen paguhen nga shteti.

Tarifat për pagesat e avokatëve të thirrur kryesisht, janë përcaktuar në Urdhërin e Përbashkët të Ministrit të Drejtësisë dhe Dhomës Kombëtare të Avokatisë, nr. 1284/3 datë 16.03.2005.

Procedura e ndjekur për pagesën e shërbimit të ofruar, përcaktohet në Udhëzimin e Bordit Drejtues të Zyrës së Administrimit të Buxhetit Gjyqësor nr. 1 datë 11.07.2014 “Mbi unifikimin e praktikave për pagesën e avokatëve të thirrur kryesisht nga gjykatat”.

Sipas këtij udhëzimi, avokatët paguhen me përfundimin e procesit gjyqësor dhe shpalljen e vendimit gjyqësor. Dokumenti i cili vërteton kryerjen e shërbimit, është vendimi gjyqësor ose një vërtetim i lëshuar nga gjyqtari i çështjes.

Jo më vonë se 10 ditë nga shpallja e vendimit gjyqësor ose data e vërtetimit nga gjyqtari, avokati duhet të plotësojë faturën tatimore për shërbimin e ofruar, të cilën duhet ta paraqesë në gjykatë brenda 5 ditëve nga data e faturës.

Gjykata në fund të çdo muaji, në analizë të detyrimeve ndaj avokatëve dhe fondeve në dispozicion, harton një grafik të shlyerjes së tyre, sipas radhës kronologjike të paraqitjes së dokumentacionit të plotë për pagesë.

Në rast të mungesës së fondeve për një periudhë të caktuar, e cila mund të bëhet shkak për shtyrjen e pagesave të detyrimeve, nga ana e gjykatës kryhen të gjithë veprimet financiare dhe kontabël, sipas përcaktimeve ligjore, mbi kontabilizimin e detyrimeve të papaguara dhe merren masat për planifikimin e fondeve të nevojshme për shlyerjen e këtyre detyrimeve, për periudhat e ardhshme buxhetore.

Më parë ka pasur vonesa në pagesën e avokatëve të thirrur kryesisht, sa për mungesë të fondeve po aq për mangësi në paraqitjen nga ana e tyre, të dokumentacionit të nevojshëm për pagesë. Gjykata e Rrethit Gjyqësor Tiranë, ka pasur një problematikë të spikatur në këtë drejtim, për shkak se avokatët nuk paraqisnin dokumentacionin financiar (faturën tatimore), të domosdoshëm për kryerjen e pagesave. Kjo ka sjellë vështirësi për gjykatën, për evidentimin e saktë dhe në kohë të detyrimit.

Prej vitit 2014, me miratimin e udhëzimit të sipërcituar, i cili i është bërë me dije edhe Dhomës së Avokatisë, është rritur sensibiliteti i avokatëve në lidhje me dokumentacionin financiar të nevojshëm. Situata e evidentuar në Gjykatën e Rrethit Gjyqësor Tiranë, ka ardhur duke u sqaruar dhe Bordi Drejtues i Z.A.B.GJ.-së, ka marrë vendim për alokimin e fondit për shlyerjen e të gjithë detyrimeve të prapambetura ndaj avokatëve të thirrur kryesisht nga kjo gjykatë. Gjatë vitit 2015, po vazhdon normalisht pagesa e detyrimeve ndaj tyre.

Buxheti i shpenzuar nga gjykatat për pagesën e avokatëve të thirrur kryesisht, zë rreth 8% të buxheti vjetor të miratuar për pushtetin gjyqësor në artikullin 602 “Shpenzime operative”, artikull në të cilin kryhen këto pagesa.

Bashkëlidhur po ju dërgojmë një kopje të Urdhërit të Përbashkët të Ministrit të Drejtësisë dhe Dhomës Kombëtare të Avokatisë, nr. 1284/3 datë 16.03.2005 dhe Udhëzimit të Bordit Drejtues të Zyrës së Administrimit të Buxhetit Gjyqësor nr. 1 datë 11.07.2014

Duke ju falënderuar për bashkëpunimin,

Luljeta LAZE
DREJTORE



[Printo]

[Google Translate]

URDHËR

Nr.1284/3, datë 16.3.2005

PËR MIRATIMIN E TARIFAVE TË SHPËRBLIMIT TË AVOKATËVE PËR DHËNIEN E NDIHMËS JURIDIKE

Në mbështetje të pikës 4 të nenit 102 të Kushtetutës dhe të paragrafit 3 të nenit 48 të ligjit nr.9109, datë 17.7.2003 "Për profesionin e avokatit në Republikën e Shqipërisë",

URDHËROJMË:

1. Miratimin e tarifave të shpërblimit të avokatëve për dhënien e ndihmës juridike, sipas tabelës, që i bashkëngjitet këtij urdhri.

2. Për zbatimin dhe kontrollin e zbatimit të këtij urdhri ngarkohen dhomat e avokatisë.

Ky urdhër hyn në fuqi pas botimit në Fletoren Zyrtare.

MINISTRI I DREJTËSISË KRYETARI I DHOMËS KOMBËTARE

Fatmir Xhafaj TË AVOKATISË

Maksim Haxhia

TARIFAT E SHËRBIMEVE JURIDIKE TË AVOKATËVE

Përfaqësimi në çështjet penale Lekë

Dhënie e mbrojtjes për ndalimet e arrestimet,

deri në seancën e caktimit të masës së sigurimit 15 000

Ndihmë juridike për hetimet paraprake,

deri në dërgimin e çështjes në gjykim

a) Për kundërvajtje 20 000

b) Për gjykimet në shkallë të parë 50 000

Ndihmë juridike në Gjykatën e Shkallës së Parë

a) Për krimet që parashikohet dënim deri në 5 vjet 30 000

b) Për krimet që parashikohet dënim mbi 5 vjet 80 000

Shërbime juridike (përfaqësimi) në Gjykatën e Apelit 40 000

Shërbime juridike (përfaqësimi) në Gjykatën e Lartë

dhe Kushtetuese 50 000

Përgatitje kërkesa ankimore dhe të tjera 10 000

Këshillime juridike për çdo orë 500-1500

Shërbimi për të miturit do të jetë sa gjysma e tarifave të sipërme

Përfaqësimi për çështjet civile

Përfaqësimi në Gjykatën e Shkallës së Parë, pa palë 15 000

Përfaqësimi në Gjykatën e Shkallës së Parë, me palë 40 000

Përfaqësimi në Gjykatën e Apelit 45 000

Përfaqësim në Gjykatën e Lartë dhe Kushtetuese 60 000

Përgatitje e kërkesave ankimore 15 000

Rekurseve dhe kërkesave në Gjykatën e Lartë dhe Kushtetuese 25 000

Këshillime juridike 1 000

Shërbimi për njerëzit në nevojë do të jetë 80% më e ulët se tarifa e sipërme.

Për shpenzimet e udhëtimit dhe dietës për shërbimin e avokatisë jashtë dhomës ku bën pjesë avokati, kur nuk vendoset me mirëkuptim, masa e pagesës është sa tarifat e nëpunësve të administratës shtetërore.

Për shërbimet e avokatisë për shtetasit shqiptarë jashtë shtetit tarifat e sipërme do të dyfishohen, ndërsa pagesa e shpenzimeve udhëtim e dietë do të jetë sa masa e pagesës për nëpunësit e administratës së shtetit.

Tarifat e sipërme zbatohen, vetëm kur nuk ka marrëveshje ndërmjet palëve për shpërblimin e shërbimit të avokatisë.

Copyright 2015 - www.ligjet.org



REPUBLIKA E SHQIPËRISË
ZYRA E ADMINISTRIMIT TË BUXHETIT GJYQËSOR

Nr. Prot.
450

Tiranë, më 01 08 2014

UDHËZIM

Nr. 1. Datë 11.07.2014

**MBI UNIFIKIMIN E PRAKTIKAVE PËR PAGESËN E AVOKATËVE TË THIRRUR
KRYESISHT NGA GJYKATAT**

Ky udhëzim ka për qëllim unifikimin e praktikave që duhet të ndiqen, në lidhje me procedurat e evidentimit të shpenzimeve, dokumentacionin e domosdoshëm justifikues dhe kryerjen e pagesave për avokatët e thirrur kryesisht nga gjykatat.

Bazuar në Kodin e Procedurës Penale, neni 49 dhe 259, kur-i pandehuri nuk ka zgjedhur mbrojtës ose ka mbetur pa të, kur i pandehuri është nën moshën 18 vjeç ose me të meta fizike a psikike që e pengojnë për të realizuar vetë të drejtën e mbrojtjes apo në rastet e seancave të vleftësimit, kur mbrojtësi i zgjedhur nuk është gjetur ose nuk është paraqitur, gjykata cakton avokatë kryesisht. Përzgjedhja e avokatëve bëhet nga lista e vënë në dispozicion nga Këshilli Drejtues i Dhomës së Avokatëve. Kur i pandehuri nuk ka mjete të mjaftueshme, shpenzimet e bëra për mbrojtjen paguhet nga shteti.

Sa më sipër si dhe bazuar në Ligjin nr.8363, datë 1.07.1998 “Për krijimin e Zyrës së Administrimit të Buxhetit Gjyqësor”, Ligjin nr.10296, datë 08.07.2010 “Për menaxhimin financiar dhe kontrollin”, Ligjin nr.9228, datë 29.04.2004 “Për kontabilitetin dhe pasqyrat financiare”, Ligjin nr.7928, datë 27.04.1995 “Për tatimin mbi vlerën e shtuar” dhe Udhëzimin e Ministrit të Financave nr.2 datë 06.02.2012 “Për procedurat standarte të zbatimit të buxhetit”,

UDHËZOJMË

1. Dokumenti i cili vërteton kryerjen e shërbimit nga avokatët e thirrur kryesisht nga gjykata, është vendimi gjyqësor ose një vërtetim i lëshuar nga gjyqtari i çështjes.
2. Bazuar në Ligjin nr.7928, datë 27.04.1995 “Për tatimin mbi vlerën e shtuar”, neni 13, personi që kryen një shërbim të tatueshëm duhet të lëshojë faturë tatimore në momentin

kur shërbimet janë kryer prej tij. Në kuptim të këtij ligji, avokati i thirrur kryesisht nga gjykata, jo më vonë se 10 ditë nga data e shpalljes së vendimit gjyqësor apo data e vërtetimit të lëshuar nga gjyqtari i çështjes (sipas rastit), duhet të plotësojë faturën tatimore për shërbimin e ofruar.

3. Brenda 5 (pesë) ditëve nga data e plotësimit të faturës tatimore, avokati duhet ta paraqesë atë pranë zyrës së buxhetit dhe financës në gjykatë. Dokumenti bazë i domosdoshëm për vërtetimin e ngjarjes dhe kryerjen e veprimit ekonomik të regjistrimit kontabël është fatura tatimore. Vetëm me paraqitjen e faturës tatimore, gjykatës i lind detyrimi për pagesë kundrejt avokatit të thirrur kryesisht.
4. Mosparaqitja e faturës tatimore nga ana e avokatit sipas përcaktimit në Ligjin nr.7928, datë 27.04.1995 “Për tatimin mbi vlerën e shtuar” dhe pikës 2 dhe 3 të këtij udhëzimi, përbën shkak për mos kryerjen e pagesës.
5. Në fund të çdo muaji, kryetari i degës së buxhetit në gjykatë, harton një raport mbi faturat tatimore të paraqitura nga avokatët e thirrur kryesisht dhe buxhetin në dispozicion për pagesën e tyre. Bazuar në këtë analizë, i propozon kryetarit të gjykatës kryerjen e pagesës së faturave, sipas radhës kronologjike të paraqitjes së tyre.
6. Kryetari i gjykatës, pas marrjes së informacionit të plotë nga kryetari i degës së buxhetit, urdhëron kryerjen e pagesave.
7. Në rastin kur limiti mujor është i pamjaftueshëm për likuidimin e plotë të faturave të paraqitura, do të shtyhet likuidimi në muajin pasardhës, sipas rrjedhës kronologjike të tyre.
8. Në rast të mungesës së fondeve buxhetore për pagesën e të gjithë faturave të paraqitura, kryetari i degës së buxhetit në gjykatë, duhet të kontabilizojë çdo detyrim të mbartur, sipas përcaktimeve të Ligjit “Për kontabilitetin dhe pasqyrat financiare” si dhe të planifikojë fondet e nevojshme për shlyerjen e këtyre detyrimeve, për periudhat e ardhshme buxhetore.
9. Ky udhëzim hyn në fuqi më datë 1 Shtator 2014.

KRYETAR I BORDIT DREJTORES TË ZABGJ

XHEZAIR ZAGAJERI

